



Senin, 12 Juli 2021

Ogen : Esekiel 6:1-14



"Temptemi dingen serkolahi!"



Temtemi bandu, serkolah! Enda nina Tuhan man kalak Israel, si enggo nembah man berhala-berhala. Nemtemi e sada bentuk kata kerja aktif, eme ngelakoken persuruhan Tuhan, eme nemtemi bana. Engkai maka isuruh Tuhan nemtemi bana ras serko?

Kenca enggo iidah bangsa Israel rawa Dibata si mesangat, ngeradasken kerina ingan ersembah man gana-gana, batar-batar iruntuhkan, batar-batar ingan penutungen kumenen iperperken. Kerina kalak si ersembah i je mate i lebe-lebe gana-gana e. Mait kalak Israel kerap ras tulan-tulanna kerap i belang-belang bata-batar e. Kuta-kuta Israel kerina ikernepen. Tapi la kerina bangsa e kerpene deba ipulahiNa bas pembunuhan e nari, ibabaNa ku tengah bangsa-bangsa si deban janah nggeluh ia jadi buangen.

I bas tanah buangen e ingetna me Tuhan, Dibata si erkuasa si ngaturken kegeluhen doni enda. Tupung iingetna Tuhan, ietehna dirina si enggo meluat, si pusuhna enggo ngelupakan Tuhan, ulin akapna nembah man berhala asangkan man Tuhan. Dungna ciga atena ngenehen dirina jine erkiteken kejahatan ras lagu langkahna si macik. Enda me si itimai Tuhan bas bangsaNa e nari. Kesadaren maka siilakokenna e la mehuli guna dirina bagepe guna Tuhan. Kesadaren e ituduhkenna alu nemtemi bana ras serko, si encidahken penyesalen, erkadiola arah kaia si enggo ibahanna gelgel nari. Serko e nuduhkensa erlebuh ras mulihkan ku Tuhan.

Bageme pe kita, i bas perjumpanta ras Tuhan si sedari melala lagu-langkah, perukuren, ras pengerana si la payo akap Tuhan. Penggejapen si bage meherga kal, apaika iteruskan ku bas pertobatan, ngena kal ate Tuhan. Tetaplah serko, erlebuh man Tuhan si mereken gegeh ndalani kinijeranta.